

ԳԻՏԱԿԱՆ ՆՍՏԱՇՐՋԱՆ՝ ՆԷԻՐՎԱԾ ՀԱՅՐԵՆԱԿԱՆ ՄԵԾ ՊԱՏՆԵՐԱԶՄԻ
20-ԱՄՅԱԿԻՆ

1965 թ. մայիսի 6-ին տեղի ունեցավ ՍՄԿՊ Կենտկոմին առընթեր մարքսիզմ-լենինիզմի ին-ստիտուտի հայկական ֆիլիալի և Հայկական ՍՍՌ գիտությունների ակադեմիայի պատմության ին-ստիտուտի միացյալ դիտական նստաշրջանը, որը նվիրված էր Հայրենական մեծ պատերազմում ֆաշիզմի դեմ սովետական ժողովրդի տարած պատմական հաղթանակի 20-րդ տարեդարձին:

Նստաշրջանը ներածական հակիրճ խոսքով բառեց ՍՄԿՊ Կենտկոմին առընթեր մարքսիզմ-լենինիզմի ինստիտուտի հայկական ֆիլիալի դի-րեկտոր, ՀՍՍՌ ԳԱ թղթակից-անդամ Մ. Աղա-յանը:

Բովանդակալից զեկուցումով հանդես եկավ Սովետական Միության կրկնակի հերոս Դ. Ա. Դրալյունսկին: Բնութագրելով Հայրենական մեծ պատերազմի հիմնական էտապները, նա ընդ-գրծեց, որ ֆաշիզմի դեմ մղված պայքարում հիմ-նական ծանրությունն ընկած էր սովետական հերոս ժողովրդի վրա: Սոցիալիզմի երկիրը փայ-լուն քննություն բռնեց այդ ահեղ փորձության մեջ՝ թե՛ ռազմական ու տնտեսական և թե՛ քա-ղաքական տեսակետից: Պատերազմի ընթացքում ավելի կոփվեց Սովետական Միության ժողո-վուրդների անխախտ բարեկամությունը: Զեկու-ցողը բարձր գնահատեց հայ ժողովրդի ավանդը թշնամու չախչախման գործում: Հայրենական պատերազմի տարբեր ռազմաճակատներում խի-զախորեն մարտնչում էին հայկական ազգային ռազմական միավորումներ, հայ ժողովուրդը տվեց Սովետական Միության բազմաթիվ հերոս-ներ, ականավոր զինվորական գործիչներ: Հայ-րենական պատերազմի տարիներին մեծ գործ կատարեցին փառաբանված զորավարներ՝ Սո-վետական Միության մարշալ Հ. Բաղրամյանը, ծովակալ Ի. Իսակովը, ավիացիայի մարշալ Ա. Խուդյակովը (Խանֆերյանց): Այնուհետև զեկու-ցողն ընդգծեց Հայրենական մեծ պատերազմում Սովետական Միության տարած հաղթանակի պատմական նշանակությունը:

Պատմական գիտությունների թեկնածու, պա-հեստի գնդապետ Ա. Հարությունյանը սեսիա-յում զեկուզեց «Հայրենական մեծ պատերազմի պատմության բուրժուական նենգափոխումը» թե-

մայով: Նշելով, որ վերջին երկու տասնամյա-կում արտասահմանում լույս են տեսել բազ-մաթիվ գրքեր երկրորդ համաշխարհային պա-տերազմի վերաբերյալ, զեկուցողը բնութագրեց բուրժուական պատմաբանների հիմնական քա-ղաքական նկրտումները: Եթե արևմտագերմա-նական պատմաբանները, հիտլերյան բանակի նախկին գեներալները ձգտում են ամեն կերպ նսեմացնել Սովետական Միության հաղթանա-կի նշանակությունը, իսկ իրենց պարտության ամբողջ մեղքը դրել շիտլերի վրա, ապա ան-գլիական, ամերիկյան, ֆրանսիական պատմա-բանները, ինչպես և հուլազգրությունների հեղի-նակները բոլոր միջոցներով ճգնում են գերա-գնահատել դաշնակիցների զորքերի դերը, աղա-վաղելով պատմական ճշմարտությունը:

Հայրենական մեծ պատերազմին հայ ժողո-վրդի ցուցաբերած մասնակցության լուսաբան-մանն էին նվիրված պատմական գիտություն-ների թեկնածուներ Ս. Խարմանգարյանի, Ե. Խա-լեյանի և Երևանի պետական համալսարանի դասախոս Տ. Դրամիսյանի զեկուցումները: Ս. Խարմանգարյանը կանգ առավ պատերազմի շրբ-ջանի Հայաստանի ժողովրդական տնտեսության զարգացման հիմնական տեղեկանքների վրա, ցույց տալով այն փոփոխությունները, որ տեղի ունե-ցան ռեսպուբլիկայի արդյունաբերության մեջ: Զեկուցողն ընդգծեց Սովետական Հայաստանի բանվորների ու գյուղացիության հերոսական աշխատանքը թիկունքում, հայ ժողովրդի զա-վակների սխրագործությունները ռազմաճակա-տում և պարտիզանական կռիվներում: Ե. Խա-լեյանը իր զեկուցման մեջ հանգամանորեն խո-սեց եվրոպական երկրներում ծավալված պար-տիզանական և դիմադրական շարժումներին հա-յերի ցուցաբերած ակտիվ մասնակցության մա-սին: Հազարավոր հայ զինվորներ, որոնք գե-րության մեջ էին ֆաշիստական համակենտրո-նացման ճամբարներում, արտակարգ արիա-թյուն ցուցաբերեցին և դիմադրական շարժման մարտիկների շարքերում հերոսաբար մարտնչե-ցին գերմանական օկուպանտների դեմ: Կենտ-րոնական և Հարավային Ֆրանսիայի դիմադրա-կան շարժման մեջ հայերի կատարած դերի:

էր նվիրված Տ. Դրամփյանի զեկուցումը: Բերելով մի շարք նոր փաստեր Ֆրանսիական կոմպարտիայի հայկական սեկցիայի գործունեության և դիմադրական շարժմանը հայերի մասնակցության վերաբերյալ, զեկուցողը նշեց, որ այդ շարժման շարքերում ընդգրկված էին ինչպես Ֆրանսիայում ապրող հայերը, այնպես էլ սովետական հայ ռազմագերիները: Նրանց հերոսական պայքարը բարձր գնահատվեց Ֆրանսիական ժողովրդի կողմից:

Պահեստի զեներալ-մայոր Ա. Մարտիրոսյանը սևսիայում խոսեց Հայրենական պատերազմի սկզբնական շրջանի գնահատության հարցի մասին սովետական պատմագրության մեջ: Նշելով պատերազմի սկզբում սովետական զորքերի լուրջ անհաջողությունները անտեսելու միտումը անհատի պաշտամունքի ժամանակաշրջանում, եւ ընդգծեց, որ վերջին տարիներին մեր պատ-

մագրության մեջ հաղթահարվեց այդ սուրյեկտիվիստական մոտեցումը, բացահայտվեցին մեր զորքերի անհաջողությունների իրական պատճառները:

Պատմական գիտությունների դոկտոր Խ. Բարսեղյանը իր զեկուցման մեջ մասնավորապես կանգ առավ սովետահայ պատմագրության ձևաբերած հաջողությունների և հետագա խնդիրների վրա՝ Հայրենական պատերազմի ժամանակաշրջանի պատմության գիտական խոր ու բազմակողմանի լուսարանության ասպարեզում:

Միացյալ գիտական նստաշրջանին մասնակցում էին գիտաշխատողներ, բարձրագույն ուսումնական հաստատությունների դասախոսներ, Հայրենական մեծ պատերազմի մասնակիցներ, նախկին պարտիզաններ, պահեստի սպաներ ու զենեբալներ:

Կ. ՍՈՒՐԵՆՅԱՆ

ԳԻՏԱԿԱՆ ՍԵՍԻԱ՝ ՆՎԻՐՎԱԾ ՄԵԾ ԵՂԵՌՆԻ 50-ԱՄՅԱԿԻՆ

1965 թ. ապրիլի 20-ին տեղի ունեցավ Հայկական ՄՍՄ գիտությունների ակադեմիայի և Երևանի պետական համալսարանի միացյալ գիտական սեսիան՝ նվիրված 1915 թ. հայկական մեծ եղեռնի 50-րդ տարելիցին:

Ներածական խոսքով բացելով սեսիան, Հայկական ՄՍՄ գիտությունների ակադեմիայի պրեզիդենտ ակադեմիկոս Վիկտոր Համբարձումյանը ասաց.

— Հիսուն տարի առաջ սույնանկան թուրքիայի կառավարողները կազմակերպեցին արևմտահայության դանդաժան լուրջ կոտորածներ, կառուցեցին այնպիսի մի ուժաղործություն, որը դարձավ մարդկային պատմության սև էջերից մեկը: Երիտթուրքական կառավարությունը, իրազարմելով նախապես մշակված իր ծրագիրը, ամենաբարբարոսական միջոցներով կոտորեց ավելի քան մեկ ու կես միլիոն հայ խաղաղ քնակալություն, քաղաքներ ու ամառանոցներով Արևմտյան Հայաստանը: Թուրք բռնապետները ձգտում էին իրականացնել հայ ժողովրդին հիմնովին բնաջնջելու նրեշավոր ծրագիրը, բայց երանց լսալիցի միևնույն վերջ հասցնել իրենց սև գործը: Այդ ծրագիրը կարող էր իրագործվել, եթե չլիներ լեհերն ու Մեծ Հոկտեմբերը: Արյունաքամ եղած հայ ժողովուրդը 1920 թ. նոյեմբերի 29-ին իր բախար մեկընդմիշտ կապեց հզոր Ռուսաստանի, սովետական իշխանության, կոմունիզմի դադափարների հետ: Ռուս մեծ ժողովրդի, Սովետական Միության բոլոր ժողովուրդների օգնությամբ ու աջակցությամբ Հայաստանը դար-

ձավ ծաղկուն սոցիալիստական հանրապետություն: Մենք ստեղծարար, խաղաղասեր ժողովուրդ ենք,— այնուհետև ասաց Վ. Համբարձումյանը,— հոգևոր ու նյութական արժեքներ ստեղծելու համար մեզ անսահման հնարավորություններ տվեցին Մեծ Հոկտեմբերը, կոմունիստական կուսակցությունը, սովետական երկրի բոլոր ժողովուրդների բարեկամությունը:

Իրավաբանական գիտությունների դոկտոր, պրոֆեսոր Ա. Նսալյանը սևսիայում զեկուցեց «Հայ ժողովրդի զենեղիղը և միջազգային իմպերիալիզմը» թեմայով: Նա բերեց բազմաթիվ արխիվային փաստեր ու վավերագրային այլ կարգի նյութեր, որոնք անսասան հիշատակելի են, որ կես դար առաջ տեղի ունեցած հայկական կոտորածները ոչ թե տարերային բնույթ էին կրում, այլ իրագործվում էին թուրք կառավարողների կողմից ամենայն մանրամասնությամբ նախապես մշակված ծրագրի համապատասխան՝ պետական կարգով: Հայ ժողովրդին բաժին ընկած ահավոր ողորդության համար, ընդգծեց զեկուցողը, երիտթուրքերի հետ միասին հանցավոր է նաև միջազգային իմպերիալիզմը, որը կեղծ խոստումներից այն կողմ չանցավ և իր շահագիտական քաղաքականությամբ հետամուտ՝ ամենավնասական պահին յթեց տանջահար ու արյունաքամ եղող հայ ժողովրդին: Սակայն կենաց և մահու հակառակության որերին հայ ժողովուրդը իր հույսը կապեց սովետական իշխանության հետ, որի հաղթանակն էլ հենց փրկություն և վերածնություն բերեց նրան: